

page :

N044

條目：

《摩訶摩耶經》

內容：

摩訶摩耶經 二卷 (12) 竺佛念譯

1.佛在忉利天，說偈命文殊邀摩耶。 摩耶來讚佛，廣陳生死流轉之苦。佛說法，摩耶發心。

2、佛告三月將涅槃，為說咒——護咒。

3、佛自天下至舍衛國尼連禪河，舉提婆達多事(打死比丘尼，同說一切有部)

4、王舍，……力士生地入涅槃(與遊行經等略同)。 摩耶來，與佛相見。

5、阿難答摩耶：佛說正法千五百年漸滅。滅法。——更

1、4 末，論及經名。5.提到馬鳴、龍樹，似後續。

【按：《大正藏》與諸經錄皆標記為曇景譯，疑為筆誤】

出處：

1、佛在忉利天，說偈命文殊邀摩耶。

※參見《摩訶摩耶經》卷 1 (CBETA, T12, no. 383, p. 1005, a11-b2)：

「爾時，如來結加趺坐，身毛孔中放千光明，普照三千大千世界。一一光中有千蓮花，其一蓮花有千化佛結加趺坐，如釋迦牟尼。

當於爾時，日、月、星辰所有威光隱蔽不現，皆悉來入如來光中，令波利質多羅樹如真金色。譬如虛空淨無雲翳，日月威光極為明顯；如來在於忉利天上所放光明亦復如是，倍更照耀不可譬類。是時，日、月、星辰諸天子等見此相已，其心戰怖不能自安，不知何緣而有斯事。

爾時，佛告文殊師利童子：「汝詣母所，道我在此，願母暫屈禮敬三寶，并以此偈向母說之。」

爾時，世尊而說偈言：

「釋迦大仙師， 成就一切智，

在於閻浮提， 猶如千眼天，

慇懃情渴仰， 久欲觀慈顏。

本昔王宮中， 生我七日已，

神昇受天福， 姨母長乳養，
致得成正覺， 應供度眾生。
今故至於此， 說法報往恩，
願母與眷屬， 屈來到此處，
敬禮佛法眾， 并受真淨法。」

摩耶來讚佛，廣陳生死流轉之苦。佛說法，摩耶發心。

※參見《摩訶摩耶經》卷 1 (CBETA, T12, no. 383, p. 1005, b16-p. 1008, c22)。

2、佛告三月將涅槃，為說咒——護咒。

※參見《摩訶摩耶經》卷 1 (CBETA, T12, no. 383, p. 1008, c23-p. 1009, c3)。

3、佛自天下至舍衛國尼連禪河，舉提婆達多事(打死比丘尼，同說一切有部)

※參見《摩訶摩耶經》卷 1 (CBETA, T12, no. 383, p. 1009, b26-c9)：

爾時，世尊說此偈已，與母辭別下躡寶階。大梵天王執蓋隨從，釋提桓因及四天王侍立左右，無量天、龍、夜叉、乾闥婆、阿修羅、迦樓羅、緊那羅、摩睺羅伽、人及非人，比丘、比丘尼、優婆塞、優婆夷，并餘種種諸雜鬼、神前後圍遶，充塞虛空，作諸妓樂、歌唄、讚歎，燒眾名香、散諸妙花，導從來下趣閻浮提。

時閻浮提諸國王等——波斯匿王、優陀延王、頻婆娑羅王、勿陀伽王、弗迦羅娑羅王并餘一切諸王——大臣、長者、居士、婆羅門等，各嚴四兵，象兵、馬兵、車兵、步兵，青、黃、赤、白、雜色照耀，如忉利天出遊觀時；并餘比丘、比丘尼、優婆塞、優婆夷，集在寶階而來迎佛。」

※參見《摩訶摩耶經》卷 2 (CBETA, T12, no. 383, p. 1010, a27-c16)：

爾時，世尊為波斯匿王及諸大眾說妙法已，與比丘眾前後圍遶從舍衛國漸次遊行村邑、聚落——所應度者皆悉周遍——乃至到於尼連禪河。

于時世尊既至河已，著於浴衣入河洗浴。時無量百千天、龍、夜叉、乾闥婆、阿修羅、迦樓羅、緊那羅、摩睺羅伽、人非人等，既見如來在河澡浴，各持種種塗香、末香而來供養。時尼連禪河側水陸虛空，一切眾生見如來身猶如明鏡，觀妙形像皆生歡喜、悉起慈心，三毒消伏不相吞食，咸發阿耨多羅三藐三菩提心。

爾時，阿難即白佛言：「今此水陸虛空之中諸眾生等見佛身已，尚生歡喜發菩提心。而提婆達多生在釋宮，佛之親屬、又作沙門，口常讀誦深妙經典，而於如來恒造逆事，破和合僧、出佛身血、教阿闍世殺害父王，日日招集豐美飲食，而自憍慢謂與佛等，為小利養以火自燒。設令諸佛欲救拔之不能為益，如驪懷妊會喪身命。」

爾時，世尊告阿難言：「如汝所說，提婆達多恒於我所生怨害心，自造阿鼻地獄因緣，一切諸佛不能救脫。我於提婆達多極生慈愍，但其不久苦業所逼。」

時提婆達多在佛左右，聞此語已心大瞋恚，即捨於佛，與其弟子往摩竭提國投阿闍

世。而於中路有諸群鳥急聲鳴喚，翻飛亂擾；又逢惡牛欲觸蹈之。其諸弟子見此相已而語之言：「我等今者觀此諸瑞非為吉祥，若所去處必無利益。」提婆達多而答之言：「汝等愚癡，何所知耶？但急隨我，不須多云。」

既到摩竭提國，語守門者：「汝入白王，道我在此。」時守門人即入白王。阿闍世王聞提婆達多來在外已，心大瞋恚而作是言：「乃至不欲聞其名字，何況而應眼見之耶？譬如雨雹摧折草木，在地不久還自消散；如此惡人亦復如是，教人行惡壞他善根，復還自敗善根種子。」勅守門者勿聽其前。

時提婆達多見阿闍世王不許前已，心大苦惱，舉手拍頭，切齒罵詈。時優波羅比丘尼從王宮出，而於門外見提婆達多即呵之言：「汝今釋種不得熾盛，於佛法中作大留礙。」

時提婆達多聞此語已極大忿恚，即以**手捲而打其頭，彼比丘尼尋便命終**。提婆達多又害羅漢比丘尼故，地即開裂，有大猛火纏繞其身牽入地獄。

爾時，世尊澡浴訖已，向諸比丘而說偈言：

「譬如行惡道， 登涉長憂怖；
若到平坦處， 安隱無愁患。
生死險隘路， 眾生恒恐怖；
唯有涅槃道， 行者獲安隱。
我今欲至彼， 功德常樂處。」

4、王舍，……力士生地入涅槃(與遊行經等略同)。 摩耶來，與佛相見。

※參見《摩訶摩耶經》卷 2 (CBETA, T12, no. 383, p. 1011, a20-p. 1013, b16)。

5、阿難答摩耶：佛說正法千五百年漸滅。滅法。——更

※參見《摩訶摩耶經》卷 2 (CBETA, T12, no. 383, p. 1013, b16-p. 1014, a3)：

摩訶摩耶問阿難言：「我子悉達臨滅度時有何教勅？」

阿難白言：「世尊中夜為諸比丘略說教誡，又以所說十二部經付囑尊者摩訶迦葉，亦復勅我令助宣布。」

時摩訶摩耶聞此語已又增感絕，即問阿難：「汝於往昔侍佛以來，聞世尊說如來正法幾時當滅？」

阿難垂淚而便答言：「我於往昔曾聞世尊說於當來法滅之後事云：佛涅槃後，摩訶迦葉共阿難結集法藏。事悉畢已，摩訶迦葉於狼跡山中入滅盡定，我亦當得果證，次第隨後入般涅槃，當以正法付優婆塞多——善說法要如富樓那——廣說度人，又復勸化阿輸迦王，令於佛法得堅固正信，以佛舍利廣起八萬四千諸塔。二百歲已，尸羅難陀比丘善說法要，於閻浮提度十二億人。三百歲已，青蓮花眼比丘善說法要，度半億人。四百歲已，牛口比丘善說法要，度一萬人。五百歲已，寶天比丘善說法要，度二萬

人，八部眾生發阿耨多羅三藐三菩提心，正法於此便就滅盡。

「六百歲已，九十六種諸外道等邪見競興，破滅佛法。有一比丘名曰馬鳴，善說法要，降伏一切諸外道輩。七百歲已，有一比丘名曰龍樹，善說法要，滅邪見幢，然正法炬。八百歲後，諸比丘等樂好衣服，縱逸嬉戲，百千人中或有一兩得道果者。九百歲已，奴為比丘、婢為比丘尼。一千歲已，諸比丘等聞不淨觀、阿那波那，瞋恚不欲，無量比丘若一、若兩思惟正受。

「千一百歲已，諸比丘等如世俗人嫁娶行媒，於大眾中毀謗毘尼。千二百歲已，是諸比丘及比丘尼作非梵行，若有子息，男為比丘、女為比丘尼。千三百歲已，袈裟變白不受染色。千四百歲已，時諸四眾猶如獵師，好樂殺生、賣三寶物。**千五百歲**，俱睽彌國有三藏比丘善說法要，徒眾五百；又一羅漢比丘善持戒行，徒眾五百。於十五日布薩之時，羅漢比丘昇於高座說清淨法，云此所應作、此不應作。彼三藏比丘弟子答羅漢言：『汝今身、口自不清淨，云何而反說是麁言？』羅漢答言：『我久清淨身、口、意業，無諸過惡。』三藏弟子聞此語已倍更恚忿，即於座上殺彼羅漢。時羅漢弟子而作是言：『我師所說合於法理，云何汝等害我和上？』即以利刀殺彼三藏。天龍八部莫不憂惱，惡魔波旬及外道眾踊躍歡喜，競破塔寺、殺害比丘。**一切經藏皆悉流移至鳩尸那竭國，阿耨達龍王悉持入海，於是佛法而滅盡也。**」

1、4 末，論及經名。5.提到馬鳴、龍樹，似後續。

※參見《摩訶摩耶經》卷 2 (CBETA, T12, no. 383, p. 1013, c5-13)：

「六百歲已，九十六種諸外道等邪見競興，破滅佛法。有一比丘名曰**馬鳴**，善說法要，降伏一切諸外道輩。七百歲已，有一比丘名曰**龍樹**，善說法要，滅邪見幢，然正法炬。八百歲後，諸比丘等樂好衣服，縱逸嬉戲，百千人中或有一兩得道果者。九百歲已，奴為比丘、婢為比丘尼。一千歲已，諸比丘等聞不淨觀、阿那波那，瞋恚不欲，無量比丘若一、若兩思惟正受。」

條目：

《菩薩處胎經》

內容：

菩薩處胎經 七卷 (12) 竺佛念譯

1、「佛在伽毘羅婆兜釋迦授城北雙樹間，欲捨身壽入涅槃。二月八日夜半」。(一・1015 上) ——中陰經上(1058 下)

2、初住初禪，四住得二禪，七住得三禪，得四禪成佛。(一・1017 上一中)(一・1020 中一下)

3、「即於胎中成無上道」。(一・1019 下—1020 上)

- 4、眼耳鼻口身意——六神通(二・1022 上—1023 上)
- 5、佛為四生眾生說法，各得解脫。人天、地獄、餓鬼、畜生，各有胎卵濕化四生。
(二・1023 下—1024 上)
- 6、供養舍利，不如供養八正道人。供養八正道人，不如供養四意止人。(四・1033 上)
- 7、梵、魔、釋天、女人，不捨身、現身得成佛道。(四・1035 上一下)
- 8、「六道眾生品」(五・1037 下) 然全經都用五道義。 「三十八日，觀樹思惟」
(五・1041 上)
- 9、「彼(龍)宮殿中有七寶塔，諸佛所說諸法深藏，別有七寶函，滿中佛經十二因緣，總持三昧」。(七・1051 上)
- 10、末記成佛，涅槃等日月，同遊行經。
- 11、阿閼佛國，阿彌陀佛國 (三・1028 上)(七・1054 中) 生阿彌陀佛國，無怒佛國。
(七・1051 上、1052 下) 「欲生阿彌陀佛【轉下頁】國者，皆染著懈怠國土，……億千萬眾，時有一人能生阿彌陀佛國。何以故？皆由懈怠執心不牢固。」修十善乃結生
(三・1028 上)

出處：

1、「佛在伽毘羅婆兜釋翅授城北雙樹間，欲捨身壽入涅槃。二月八日夜半」。(一・1015 上)

※參見《菩薩從兜術天降神母胎說廣普經》卷 1〈天宮品 1〉(CBETA, T12, no. 384, p. 1015, a25-b8)：

「一時佛在伽毘羅婆兜釋翅授城北雙樹間，欲捨身壽入涅槃。二月八日夜半，躬自褰僧伽梨、鬱多羅僧、安陀羅跋薩各三牒敷金棺裏，襯身臥上脚脚相累。以鉢錫杖手付阿難；八大國王皆持五百張白氎栴檀木檻，盡內金棺裏，以五百張氎纏裹金棺，復五百乘車載香蘇油以灌白氎。爾時，大梵天王將諸梵眾在右面立，釋提桓因將忉利諸天在左面立，彌勒菩薩摩訶薩及十方諸神通菩薩當前立。爾時，世尊欲入金剛三昧，碎身舍利。『善哉！不思議法，於娑婆世界轉此真實法。』爾時，世尊作是念已，十方世界皆六返震動。」「

——中陰經上(1058 下)

《中陰經》卷 1 (CBETA, T12, no. 385, p. 1058, c7-p. 1059, a4)：

後秦涼州沙門竺佛念譯 如來五弘誓入中陰教化品第一

如是我聞：

一時佛在迦毘羅婆兜雙樹北四十九步耶維處。

八日夜半明星出時，爾時，如來忽然離碎身舍利，如諸佛五弘誓法：

當生之時，天地六反震動，十方諸佛皆來扶助，是謂一弘誓法。云何為六反震動？東踊西沒、西踊東沒、北踊南沒、南踊北沒、四面都踊則中央沒、中央踊則四面沒。

當其如來初舉一足行七步，天下大動，十方諸佛皆來扶助，是謂二弘誓法。

如來往詣菩提樹下結跏趺坐：「吾不成佛不起于坐。」爾時天地大動，十方諸佛皆來扶助，是謂三弘誓法。

如來之名波旬雖聞心不怯弱，誓願力故，天地大動，十方諸佛皆來扶助，是謂四弘誓法。

如來捨身壽命，現取滅度，入於中陰教化眾生，爾時天地大動，十方諸佛皆來勸讚，是謂五弘誓法。

爾時，世尊入火炎三昧，離碎身舍利，去地七仞坐寶蓮華，使無量無限那由他眾生——天、龍、鬼神、阿修羅、甄陀羅、乾闥婆、迦留羅、鳩槃荼、富單那、人非人——皆見如來坐寶蓮華。

爾時，世尊向舍利而說頌曰：

「於無數劫中， 養汝地種界，
吾今離汝去， 如蛇脫皮樂。
五道生死中， 無處不有汝，
權時得相離、 寂滅無所著，
威神接地種， 非汝不得度。
咄嗟！別離苦， 生死牽連著，
諸佛威神接， 所度阿僧祇。」

2、初住初禪，四住得二禪，七住得三禪，得四禪成佛。（一・1017 上—中）（一・1020 中—下）

※參見《菩薩從兜術天降神母胎說廣普經》卷 1〈天宮品 1〉(CBETA, T12, no. 384, p. 1015, c22-p. 1017, c26)。

※參見《菩薩從兜術天降神母胎說廣普經》卷 1〈聖諦品 3〉(CBETA, T12, no. 384, p. 1020, b2-p. 1021, a2)。

3、「即於胎中成無上道」。（一・1019 下—1020 上）

※參見《菩薩從兜術天降神母胎說廣普經》卷 1〈遊步品 2〉(CBETA, T12, no. 384, p. 1019, c6-p. 1021, a2)。

4、眼耳鼻口身意——六神通（二・1022 上—1023 上）

※參見《菩薩從兜術天降神母胎說廣普經》卷 2〈佛樹品 4〉(CBETA, T12, no. 384, p. 1022, a10-p. 1023, a27)。

5、佛為四生眾生說法，各得解脫。人天、地獄、餓鬼、畜生，各有胎卵濕化四生。

(二・1023 下—1024 上)

※參見《菩薩從兜術天降神母胎說廣普經》卷 2〈三世等品 5〉(CBETA, T12, no. 384, p. 1023, c15-p. 1024, a5)：

爾時，佛告喜見菩薩曰：「汝欲知過去諸佛滅不滅刹土不耶？」爾時，世尊即以神力入無畏空界三昧，使一切眾盡見釋迦文身寂然無言身相具足。「菩薩當知我過去身，其數不可稱不可量。」即以神足入濕生界，眾相具足，與無數阿僧祇為濕識眾生說法，令彼濕識隨意所願各得解脫。復以神足入化生眾生，現身色相，與無央數阿僧祇眾生說法，令彼化識隨意所願各得解脫。爾時世尊即以神足入卵識眾生，現身色相，與無央數阿僧祇眾生說法，令彼眾生隨意所願各得解脫。爾時世尊復以神足現當來世界，人四生中現身色相，與無央數阿僧祇眾生說法，**令彼四生眾生隨意所願各得解脫。**

「如我今日在母胎中，與諸十方神通菩薩，說不退轉難有之法，**亦以神通入天四生，入地獄四生、餓鬼四生、畜生四生，於四生中胎、化二生盡漏疾，濕生、卵生盡漏遲；化生、胎生是利根人，濕生、卵生是鈍根人。**」

6、供養舍利，不如供養八正道人。供養八正道人，不如供養四意止人。(四・1033 上)

※參見《菩薩從兜術天降神母胎說廣普經》卷 4〈隨喜品 11〉(CBETA, T12, no. 384, p. 1033, a5-22)：

復告頂王菩薩：「吾今與汝說八正道去八顛倒，滿十方恒沙諸佛刹土，滿中七寶塔，不如此供養八正道菩薩，衣被、飲食、床敷、臥具、病瘦醫藥，搗香、雜香、栴檀、末香，繒綵、花蓋便身之具，其福最多。若有菩薩摩訶薩，能於胎、化、濕、卵，分別四意止，一日、二日乃至七日，一月、二月乃至七月，一歲、二歲乃至七歲，一劫、二劫乃至七劫，**若有眾生，承事供養前七寶塔，乃至八正道菩薩，不如此人供養四意止菩薩，其福最多。**若一生補處菩薩，在母胎中轉無上法輪，包容一切變易無數，神德大士周旋往來無有障礙，還合為一無覺知者；若有眾生供養承事便身之具無所愛惜，如我今日從三阿僧祇劫斷除滅想，今最後身一入胎舍教化，果證神通悉令得解脫，猶如果熟變易不住。佛身空無戒定慧解，而自香熏道德威儀，不失十二頭陀之行，此一分苦是我境界。」

7、梵、魔、釋天、女人，不捨身、現身得成佛道。(四・1035 上一下)

※參見《菩薩從兜術天降神母胎說廣普經》卷 4〈諸佛行齊無差別品 13〉(CBETA, T12, no. 384, p. 1034, c25-p. 1035, c19)：

爾時，有菩薩名曰無盡意，即從坐起偏露右臂右膝著地，叉手合掌前白佛言：「未曾聞如來說法，此四種人得成佛者，今日乃能開演大義。」即重白佛：「**捨身、受身、即身成佛耶？**」

佛告無盡意：「諦聽！善思念之！今當與汝一一分別。過去九十一劫有梵天王，名大辯才，分別古今常樂閑居坐天宮內。『今我寧可化此宮女及諸梵天，我得成佛諸天翼從，

剃鬚髮著法服，一時成道，不亦快乎？」作是念已，即於天宮詣晝度樹，端坐思惟一意一心，繫念在前無他異想，即得成佛，三十二大人相八十種隨形好。諸天眷屬修行比丘正法，得阿羅漢，皆是利根；彼天女眾有得須陀洹、斯陀含、阿那含，不往還此間，即於彼般涅槃。是謂**梵天王不捨身、受身、現身得成佛道。**」

佛告無盡意菩薩：「過去七十六劫有第六天王，典領三千大千世界，名曰害惡，從六天以下自在無閼。在彼天宮經歷無數久久思惟：『悔本所作謗毀三尊遮截道果，設我受報墜墮三塗不離惡道，我今寧可改心惡行，并此天宮諸天眷屬，共修梵行求無上道，進前成佛，不亦樂乎？』復自思惟：『所典境界無量無限天女娛樂樂豈過是，設我成佛與此國界正等無異。』漸漸懈慢，復更劫數。魔有知識，行登十住說佛功德，出家修道眾相具足，魔心開解改心入定，無若干想利根捷疾。即於天宮三明通達，莊嚴佛土不更受身，便成無上至真等正覺，放大光明普照魔界，莫不眼見見魔成佛。有三億天子心自生念：『謂魔幻化非真實佛。』盡退還宮，十六億天子皆來影附，承事供養如佛無異，尋於坐上皆成四果。是為**害惡大天王，不捨身受身而成佛道。**」

佛復告無盡意菩薩：「過去六十一劫東方有釋天子，修天眼淨心樂禪定，常欲求出家進向佛道。彼諸天法有衰瑞應不久命終，諸天翼從轉轉減少，貪著睡眠身體塵垢，花自萎枯，不樂寶座，所食不甘，即出到後園中沐浴澡洗：『今天我身眼能徹視，何方有佛，當往禮省恭奉供養受佛禁戒，即以此身得成佛道。』作是念已端坐思惟，以天眼視上方有佛，名無量空行，世界名清淨，今現在說法，初中竟善。即以神力如人屈伸臂頃，到彼佛所頭面禮足在一面立。即以此偈讚歎佛德：

「『光相照十方， 降伏眾魔怨；
為說道徑路， 斷疑永無惑。
梵行清淨人， 皆蒙最勝行；
隨類說真法， 不違本行法。
我為諸天主， 欲修清淨道；
唯佛垂愍念， 得至安隱處。』

「爾時，世尊即告釋曰：『善哉，善哉！發心廣大欲得拔濟眾生之苦，未得者得、未獲者獲、未成者欲令成就，欲令盲者見明、聾者聞聲、癡者得申、無手足者令得手足，汝還本宮坐道樹下，分別眾行聚法散法。』釋聞語已即前禮佛，於彼不見還至天宮。諸天眷屬皆來歸附，功德轉盛，衰耗之相永滅無餘，端坐攝身心意不動，得成無上至真等正覺。所將天女九十三億成四道果證，是謂**天帝釋不捨身受身而成佛道。**」

佛告無盡意菩薩：「過去五十四億恒河沙劫，有世界名曰火焰，佛名無欲如來、應供、正遍知、明行足、善逝、世間解、無上士、調御丈夫、天人師、佛、世尊，說法度人善修梵行，四審諦法施惠一切，**彼土人民悉受女身**，解了無常、苦、空、非身，分別受入無諸煩惱，厭患身苦，齊同一願發大弘誓，著無畏鎧欲度眾生，淨佛國土蠲除穢惡，立志堅固樂不退轉。**時有七十萬二千億女**，在大曠野非人行處，齊同一行，解空

無想無願之法，一日一時三等通達，即成佛道，眾相具足，存亡自在，以小受大以大入小，即於彼日度阿僧祇無量眾生，於無餘涅槃化度眾生，**是謂不捨身受身而成佛道。**」

爾時世尊欲重宣此義，而說頌曰：

「法性如大海， 不記有是非；
凡夫賢聖人， 平等無高下。
唯在心垢滅， 取證如反掌；
道成王三界， 闡揚師子吼。
分別本無法， 無有男女行；
今在五濁世， 現有受身分，
斷滅計常者， 障閼經劫數。」

爾時，世尊說此偈時，八萬四千億眾生立志堅固，皆願成佛不經後身。

8、「六道眾生品」(五・1037 下) 然全經都用五道義。

※參見《菩薩從兜術天降神母胎說廣普經》卷 5〈入六道眾生品 15〉(CBETA, T12, no. 384, p. 1037, c10-p. 1038, a1)：

爾時，世尊入無量遍觀定意，觀察眾會心懷猶豫，將欲決疑現以真實，即出右脚指蹈此地界，使六趣眾生各各顯行羅列跼立。爾時，世尊告眾會者：「汝等見此六趣眾生不乎？」

對曰：「唯然見之。」

時彼會中有菩薩，名曰自在，得虛空藏無盡法門，神智辯才應對無闕——此賢劫中十六聖子最大者是——遊十方剎施行佛事，即從坐起偏露右臂右膝著地，叉手合掌前白佛言：「今如來、應供、正遍知、明行足、善逝、世間解、無上士、調御丈夫、天人師、佛、世尊，願欲聞說六趣眾生行業果報。所問微淺願時發遣。」

爾時，世尊於大眾中和顏悅笑。諸佛如來常法，佛不妄笑，笑有因緣：若有眾生生梵天者，爾時佛微笑；有應作轉輪聖王者，佛復微笑；有作獄卒者閻羅王者，時佛亦笑；有受餓鬼身者，佛即時笑；有作畜生王者，佛即亦笑。爾時，世尊面門出五色光，普照三千大千剎土，即還攝光從頂上入，即告自在菩薩：「汝所問者，乃是如來威神所接，亦是十方諸佛所護，能發此問。今當與汝——分別諸六趣眾生行業因緣。諦聽，諦聽！善思念之！」

「三十八日，觀樹思惟」(五・1041 上)

※參見《菩薩從兜術天降神母胎說廣普經》卷 5〈五神通品 17〉(CBETA, T12, no. 384, p. 1040, c6-p. 1041, a17)：

佛告妙勝：「此五種人，非實神通退法眾生。或有善男子、善女人修眼聖通，除色斷垢

念不移易，究竟道門。何謂道門？三空定是。便能得見一千天下、二千天下、三千大千天下。或有善男子、善女人修耳聖通，寂然入定清淨聞一天下、千天下、二千天下、三千大千天下，男聲、女聲、象聲、馬聲、車乘、鍾鼓之聲，一一分別知聲好惡，此聲生天，知聲生人、知聲生餓鬼、知聲生畜生、知聲生地獄，知聲有緣眾生，知聲無緣眾生，皆悉分別一一曉了。或有善男子、善女人清淨修道，除去識垢內外無瑕，得意聖通自識宿命。一生、二生、三生、四生，乃至無數阿僧祇劫所從來處，父母、兄弟國土清淨，悉能識知。或有善男子、善女人，修六神通解知法性，強記不忘意止覺道，分別三明定意不亂，便能得知他人心念，一生、二生、三生、四生，乃至無數阿僧祇劫所從來處，皆悉知之。父母、兄弟國土清淨，名姓種族皆悉知之。或有善男子、善女人思惟法觀，以心持身以身持心，食知止足，睡眠覺寤意想如空，於婬、怒、癡亦不慍懃，計身無我心法清淨，意識以定便能舉身，一鼓、二鼓乃至七鼓漸漸習定，遊一天下、二天下乃至三千大千剎土，入地如空，山河、石壁無所罣礙。或有善男子、善女人臨當成佛，以智慧力除眾生垢，坐樹王下端坐思惟，自發誓願：『吾不成佛不起于坐。』如我曩昔坐閻浮樹下，**三十八日觀樹思惟**，發此誓時感動天地六返震動，弊魔波旬將諸兵眾，雨沙礫石雷電震吼，不能令吾動於一毛。何以故？慈潤普遍愍眾生故，得成作佛六通清徹。」

爾時世尊即說頌曰：

「凡夫所得通， 猶如諸飛鳥；
有近亦有遠， 不離生死道。
佛通無礙法， 真實無垢穢；
念則到十方， 往反不疲倦。
以慈念眾生， 得通無罣礙；
仙人五通慧， 轉退不成就。
我通堅固法， 要入涅槃門。」

爾時，世尊與妙勝菩薩說此法時，有百七十億眾生，捨俗五通得六通慧。

9、「彼(龍)宮殿中有七寶塔，諸佛所說諸法深藏，別有七寶函，滿中佛經十二因緣，總持三昧」。(七・1051 上)

※參見《菩薩從兜術天降神母胎說廣普經》卷 7〈八賢聖齋品 28〉(CBETA, T12, no. 384, p. 1051, a11-27)：

「爾時，金翅鳥聞龍子所說，受八關齋法。口自發言：『自今以後盡形壽不殺，如諸佛教。』金翅鳥眷屬受三自歸已，即從龍子到海宮殿，**彼宮殿中有七寶塔，諸佛所說諸法深藏，別有七寶函滿中佛經，十二因緣總持三昧**，見彼龍子及諸龍女，香花供養禮拜承事，猶如天上難檀婆那羅金殿無異。龍子語金翅鳥：『我受龍身劫壽未盡，未曾殺生燒亂水性。』爾時龍子復與金翅鳥，而說頌曰：

「『殺是不善行， 減壽命中夭；

身如朝露虫， 見光則命終。
持戒奉佛語， 得生長壽天；
累劫積福德， 不墮畜生道。
今身為龍身， 戒德清明行；
雖墮六畜中， 必望自濟度。』

「是時龍子說此頌時，龍子、龍女心開意解，壽終之後皆當生阿彌陀佛國。」

10、末記成佛，涅槃等日月，同遊行經。

11、阿閼佛國，阿彌陀佛國 (三・1028 上)(七・1054 中)

※參見《菩薩從兜術天降神母胎說廣普經》卷 3〈八種身品 8〉(CBETA, T12, no. 384, p. 1028, a4-b6)：

「復次，菩薩摩訶薩，從忉利天生十方刹，不因濕生、卵生、化生、胎生，教化眾生。此菩薩等成就無記根，所化眾生亦成無記根。何者是？**阿閼佛境界**是。或有菩薩摩訶薩，從忍世界生北方光影佛土，成就有記無記根，教化眾生皆成就有記無記根，欲樂世界妙光佛土眾生是也。或有菩薩摩訶薩，從初發意乃至成佛，執心一向無若干想無瞋無怒，**願樂欲生無量壽佛國**。一切眾生其生彼者，四部眾比丘、比丘尼、優婆塞、優婆夷，皆同一金色。西方去此閻浮提十二億那由他，有懈慢界，國土快樂作倡伎樂，衣被服飾香花莊嚴七寶轉關床，舉目東視寶床隨轉，北視、西視、南視亦如是轉。前後發意眾生，欲生阿彌陀佛國者，皆染著懈慢國土，不能前進生阿彌陀佛國。億千萬眾，時有一人能生**阿彌陀佛國**。何以故？皆由懈慢執心不牢固。斯等眾生自不殺生，亦教他不殺，有此福報生無量壽國。或有菩薩摩訶薩，具足六度施、戒、忍、精進、禪定、解脫智慧，生南方踊躍佛刹，去此閻浮提一億佛國，彼眾生等無有癡愛婬欲之想。何以故？皆從欲界斷三十六種婬欲行滅，種性成就所行清淨，如日光明無有塵翳。彼土眾生行十三苦行。云何十三？晝夜三時不失時節，經行坐禪，或在樹下，或在塚間，或在空地，或在巖石無人之處，或依泉源，或時一食，或不用食，法服齊整不失威儀，或時說法或不說法，周旋經行知足知滿，所可說法，少欲真道多欲非道，息心定意，解空無想不願之法，是謂踊躍世界菩薩所行。彼土眾生純一乘學，無有羅漢、辟支佛乘，相好具足稱譽正法，解空無我。」

生阿彌陀佛國，無怒佛國。(七・1051 上、1052 下)

※參見《菩薩從兜術天降神母胎說廣普經》卷 7〈八賢聖齋品 28〉(CBETA, T12, no. 384, p. 1051, a26-27)：

「是時龍子說此頌時，龍子、龍女心開意解，壽終之後皆**當生阿彌陀佛國**。」

※《菩薩從兜術天降神母胎說廣普經》卷 7〈緊陀羅品 30〉(CBETA, T12, no. 384, p. 1052, a24-c27)：

爾時，座中有菩薩名曰信解脫，過去無央數阿僧祇劫為緊陀羅王，須彌山北過琉璃

山，琉璃山北過小鐵圍山，鐵圍山北有大黑山，緊陀羅王在中治化。過去無數恒沙諸佛，亦不覩見亦不聞法，亦無有聖眾教化，無日、月、星辰光明所照。由昔積福一施之報，居在七寶宮殿壽命極長。何以故？本在人間值遇良田，有大長者造佛塔廟。此緊陀羅布施一剎柱成辦廟寺，復以淨食施彼工匠，壽終命盡作胸臆神王，在兩山中間，自然七寶宮殿屋舍。昔在人間居財無量，有一沙門中時持鉢乞食，婦見沙門在門乞食，即擎飯施與。長者見婦與沙門食，即便瞋恚：「此何乞人瞻視我婦，當令此人手脚破壞。」壽終之後受此醜形，八十四劫恒無手足。在人間時學仙人法在深山中，誦習呪術能移動日月，以夜為晝以晝為夜，呼吸之頃能吐出金銀七寶，能使枯樹悉生枝、葉、花、果，能使海水消竭，在火不燒，身能飛行，眼能徹視自識宿命，知他人心，耳遠聞聲，眷屬弟子五百人。聞佛出世，佛名清淨光如來、應供、正遍知、明行足、善逝、世間解、無上士、調御丈夫、天人師、佛、世尊，說微妙法初、中、竟善，大慈平等功勳難量。我將諸弟子從深山出，飛行經過王宮後園浴池，見諸采女在池洗浴。我及弟子，下見婦女生染愛心，皆失神足即墮園中。時我瞋恚故來求佛，失我神足。時采女眾見五百丈夫盡在園中，尋入白王，王勅左右：「將彼人來，我欲問之。」尋將詣王。王問言：「卿等何人？」答曰：「我等在山學仙道人，山中誦習呪術，能移動日月，以夜為晝以晝為夜，乃至耳遠聞聲，眷屬弟子五百人。聞佛出世佛名清淨光，我將諸弟子從深山出，飛行經過王宮後園浴池，見諸采女在池洗浴。我及弟子，下見婦女生染愛心，皆失神足即墮園中。」時王告之曰：「汝等在深山學仙道來為久近耶？」答曰：「二十二小劫。」王復問曰：「積劫學道心如死灰不動不搖，云何欲心而失神足？」答曰：「本謂真道神靈第一，踊沒自在所念皆成。不圖今日忽然失道，慚愧聖王隨王刑罰。」王告之曰：「汝本學道二十二小劫，形枯心疲所習不真，如愚惑人空中求寶，於真際法不獲實相。汝所求師如來等正覺者，近在岳跢山中。我當將汝等往至佛所，若佛有所說當奉行之。」爾時大王，即嚴駕羽寶之車具五威儀，將諸眷屬及五百仙學人等，往詣岳跢山。王即下車解劍去蓋，却五威儀步至佛所，頭面禮足在一面坐。爾時國王須臾退坐，前白佛言：「此五百人，在山學仙二十二小劫，聞佛出世欲來見佛，飛過後宮貪著欲愛即失神足。唯願世尊，與說微妙之法，當令還復五神通道。」佛告大王：「此五百人所行善根，成便壞敗終不究竟，本為長者，比丘乞食瞋恚言：『使汝無手足。』無數劫中作胸臆神王，在大鐵圍黑山中間，雖復受報日月所不照，先在人間以剎柱施人。以一施之惠與辟支佛，後得人身於山中學仙，欲心熾盛還失神足，此緣久有非適今也。此五百人於今世命終，**皆當生無怒佛所**，彼佛與說生老病死十二因緣。苦無苦、本集、滅、道果。亦復如是。」佛說是時王意開解，**亦樂欲生無怒佛所**。爾時國王及五百仙人，即從座起禮佛而去。」

「欲生阿彌陀佛【接下頁】國者，皆染著懈怠慢國土，.....億千萬眾，時有一人能生阿彌陀佛國。何以故？皆由懈怠執心不牢固。」修十善乃結生（三・1028上）

※參見《菩薩從兜術天降神母胎說廣普經》卷3〈八種身品 8〉(CBETA, T12, no. 384, p. 1028, a4-b6)：

「復次，菩薩摩訶薩，從忉利天生十方剎，不因濕生、卵生、化生、胎生，教化眾生。此菩薩等成就無記根，所化眾生亦成無記根。何者是？阿閼佛境界是。或有菩薩

摩訶薩，從忍世界生北方光影佛土，成就有記無記根，教化眾生皆成就有記無記根，欲樂世界妙光佛土眾生是也。或有菩薩摩訶薩，從初發意乃至成佛，執心一向無若干想無瞋無怒，願樂欲生無量壽佛國。一切眾生其生彼者，四部眾比丘、比丘尼、優婆塞、優婆夷，皆同一金色。西方去此閻浮提十二億那由他，有憊慢界，國土快樂作倡伎樂，衣被服飾香花莊嚴七寶轉關床，舉目東視寶床隨轉，北視、西視、南視亦如是轉。前後發意眾生，**欲生阿彌陀佛國者，皆染著憊慢國土，不能前進生阿彌陀佛國。億千萬眾，時有一人能生阿彌陀佛國。何以故？皆由憊慢執心不牢固。**斯等眾生自不殺生，亦教他不殺，有此福報生無量壽國。或有菩薩摩訶薩，具足六度施、戒、忍、精進、禪定、解脫智慧，生南方踊躍佛刹，去此閻浮提一億佛國，彼眾生等無有癡愛婬欲之想。何以故？皆從欲界斷三十六種婬欲行滅，種性成就所行清淨，如日光明無有塵翳。彼土眾生行十三苦行。云何十三？晝夜三時不失時節，經行坐禪，或在樹下，或在塚間，或在空地，或在巖石無人之處，或依泉源，或時一食，或不用食，法服齊整不失威儀，或時說法或不說法，周旋經行知足知滿，所可說法，少欲真道多欲非道，息心定意，解空無想不願之法，是謂踊躍世界菩薩所行。彼土眾生純一乘學，無有羅漢、辟支佛乘，相好具足稱譽正法，解空無我。」